



拜年見親戚 小朋友最怕 被人問的是……

農曆新年到來，小朋友最開心莫過於逗利是，但逗利是的是的，親戚們少不免會有一番親切問候：中、小學生問成績；大學生問讀哪所大學、修讀學科……無論幾多歲，親戚們總有問不完的問題。小朋友，親戚最常問你甚麼呢？遇到不想回答的問題，又如何不失禮貌地回應呢？讓我們聽聽小朋友最直白的心聲吧！

1

「成績、身高、體重！」

親戚見到我多數會問「你開唔開心？」，媽咪更是每日都問我「返學開唔開心？有冇特別事發生？」雖然未試過畀人問成績、身高、體重，但我不喜歡畀人問這些問題。如果真有人問，我會直接回答「考全班第五」。最想他們問我「會唔會一齊去飲茶？」，因為以前幼稚園放學後都會和親戚一起飲下午茶，可以食KFC、麥當勞，而且每次都是叫我喜歡的食物。



梁洛滸 (小一)

2

「考試分數！」

我不喜歡被人問考試分數，因為有時會考得好低分，不知道怎樣回答。



鄭莞初 (小一)

3

「分數！」

最怕人問分數，驚低分會被爸爸媽媽鬧，而且唔想當着這麼多人面前說自己的分數。如果真係有人問，我會喺佢旁邊細細聲講。



陳栢麒 (小一)

4

「最近好似又肥咗！」

通常都被問「你成績點呀？」、「你開唔開心？」等。對於他們的問題，有喜歡也有不喜歡，當中較喜歡「你最近喺學校點呀？」這類，因為平日在學校都很開心；至於成績問題我又無所謂，因為考試都ok、不算差，所以不怕被問。最不喜歡他們說「最近好似又肥咗！」，我會如實答「可能食多咗，冇乜點做運動。」(面對新年美食，豈不是要禁食？)又唔會，都係照食，所有賀年食品我都鍾意！其實不抗拒跟父母一起去拜年，因為可以逗利是！如果到訪舅父舅母家，還可以跟表弟玩呢！



黃瀚紳 (小六)

5

「考試成績點？」

「健唔健康？」、「假期做咩？」、「考試成績點？」、「開唔開心？」都是常問的問題。最不喜歡問及「考試」，一來是比較私隱的話題，二來父母對我成績的期望比較高，可能親戚都話「幾ok」的時候，媽媽都會否認，令我冇壓力。不過，都會跟着父母去拜年，因為有好多美食，利是就通常歸媽媽，如有十封就會抽走八封，留下兩封畀我和弟弟。



梁恩喆 (小三)

6

「喺學校有冇鍾意嘅人？」

親戚多數問校園生活，「有冇被人欺凌？」，因為他們很擔心我會被欺凌，在家人眼中，我是最重要的，所以很多事都會好擔心。最驚被親戚問「咁喺學校有冇好親嘅人？」或者「喺學校有冇鍾意嘅人？」等關於戀愛的話，完全無語。就算有都唔想講，通常都係答只係細個玩開嘅朋友，冇嘢。



梁靜允 (小三)

7

「關於濕疹……」

不介意別人問我學業，甚至有少少開心，因為可以分享自己成績，而且有長輩關心是好事。但我不太喜歡別人問我關於濕疹的問題，因為濕疹本身已經令我非常不舒服、好辛苦。



陳希宇 (小四)

8

「高咗幾多？」

最怕別人問我「高咗幾多？」，因為每次見不同親戚，次次都是問同一條問題，覺得好煩。



譚錫齊 (小四)

9

「我無嘢怕。」

因為與親戚常見面，所以他們都沒有甚麼可以問。而且我成績、身形都不差，可以說是「百毒不侵」，想不出一條問題是我不會答的。



盧芷嵐 (小五)

10

「成績有冇進步？」

最怕親戚問：「你成績有冇進步？」，但我會照講，因為成績ok，每次都有89、95、100分，就算考得未如理想都不介意，「係呀，今次考得差咗啲。」



鄭筠柔 (小二)

11

「最怕針對性問題。」

拜年的時候因為已經隔了一段時間沒有見面，這時親戚就會問「聽你爸爸媽媽講你最近好似又叻咗」。雖然心裏面會有少少埋怨父母講自己壞話，不過明白親戚只是好奇、關心自己，所以都會照答「可能有時會發脾氣，但整體嚟講都ok」，幫自己澄清。此外，他們會問我一些與時事、生活相關的問題，因為我不喜歡戴口罩，之前疫情嚴重的時候他們見我沒有戴就會問「點解你唔戴口罩？」，只要不是針對性，也不會特別討厭他們的問題，而且他們都是長輩，必須尊重。



胡巧悠 (小六)

12

「考試點樣？」

最怕親戚問「考試點樣？」，因為會被人鬧、好煩，如果遇到我會捂住耳朵直接走人。最想他們問我「健唔健康？」，感覺會比較舒服，似真的在關心我。



洪亦萱 (小二)

13

「介意問升中。」

親戚通常問「考試成績點？滿唔滿意？」，覺得告訴別人也不是甚麼問題。正就讀小六，如果真的要問一條介意的問題，應該是中學，一來我不熟悉這區的中學，二來未知結果。問到的話我可能會答「問父母的意見」，或者請大家給予建議。



蔡翊藍 (小六)